



Inatsisartunut ilaasortaq Jens Immanuelsen, Siumut
Inatsisartut
/MAANI

**§ 37 nr. 2013-023-imut akissuteqaat, pineqarlutik qaleralinniarnermi
aalisarsinnaanermut akuersissutit aamma piniarnermut allagartat**

23-04-2013

Suliap normua. 2013-081946
Dok. nr. 1191073

Inatsisartut suleriaasianni § 37, imm. 1 naapertorlugu apeqquteqarsimavutit pineqarlutik Naalakkersuisut pilersaaruteqarnersut qaleralinniarnermi aalisarsinnaanermut akuersissutinik aamma piniarnermut allagartanik suliaqartarnerup kommuninut isumagisassanngortinneqarnissaanik. Apeqqut uannut akisassanngorlugu innersuussutigineqarsimavoq.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Apeqqutit:

- 1: Qaleralinniarnermi akuersissutinik suliaqarneq kommuuninut nuunneqarsinnaanera pilersaarutaava?
- 2: Piniarnermut allagartanik agguasisarneq kommuuninut nuunneqarsinnaanera pilersaarutaava?

Akissutit:

1-imut: Sinerissap qanittuani qaleralinniarluni aalisarsinnaanermi akuersissutinik suliarinnittarnermut tunngatillugu nalunaarutigisinnavaara, allaffissornikkut suliniuteqartoqarmat, tassuuna qulakkeerniarneqarluni qinnuteqariaatsimik sulinerup digitalinngortinneqarnissa, takuuk piniarnermut allagartat pillugit akissuteqaat. Naatsorsuutigineqarpoq, tamatuma sulianik suliarinnittarnermik piffissaq suli sivikillisinnerulersissagaa. Taamaasilluni ullumikkut pisut imapput, sinerissap qanittuani qaleralinniarluni aalisarsinnaanermut akuersissummiq qinnuteqartarnermi periuserineqartup assiglluinnangajammagu inuussutissarsiutigalugu piniarnermut allagartartaarniartarneq. Tassa imappoq qinnuteqaatip immikkoortut assigiinngitsut arallit aqqusaaqqaartariaqartarmagit, Aalisarnermut, Piniarnermut Nunalerinermullu Naalakkersuisoqarfimmut apuutinnginnerani. Taakkununnga ilaapput kommunit aamma akileraartarnikkut oqartussaasut. Tamatuma pisut ilaanni tamakkiisumik sulianik suliarinnittarnermi piffissaq sivitsorsinnaasarpaq qinnuteqaat eqqortumik immersorneqarsimannngippat. Qinnuteqaalli eqqortumik immersorneqarsimappat ullut ikittuinnaat qaangiuppata qinnuteqaateqartoq akissutisissaq.

Aalisarnermik aamma aalisarsinnaanermut akuersissutilinnik piumasagaatinit ataasiakkaanit naakkutilliineq qitiusumik inissisimavoq Aalisarnermut, Piniarnermut Nunalerinermullu Naalakkersuisoqarfimmi, tassalu Kalaallit Nunaannut Aalisarsinnaanermik Akuersissutinik Nakutilliisoqarfimmi. Suliassarlu taanna oqaatigineqareersutut qitiusumi inissisimammat isumaga naapertorlugu pingaaruteqartuuvoq, aalisarsinnaanermik akuersissutinik suliarinnittarnerup aamma qitiusumit pisarnissaa. Taamaasilluni maannakkorpiaq pilersaaruteqartoqanngilaq sinerissap qanittuani qaleralinniarluni aalisarsinnaanermik akuersissutinik suliarinnittarnermi suliassap kommuninut isumagisassanngortinneqarnissaanik.

2-mut: Apequtigisat tamakkiilluinnartumik akissuteqarfingiarlugu, aallarniutigalugu suleriaaseq nassuaateqarfigeqqaassavara, pisanillu nalunaaruteqartarnermit paasissutissat qanoq iliorluni atorneqartarnerat pillugit, taakkuami piniarnermut allagartaqariaatsimi tamarmi immikkoortuummata pingaaruteqartut.

Piniarnermut allagartanik suliarinnittarnermi suleriaatsimi apeqqutaavoq, tamatumani pineqarnersoq sunngiffimmi piniarnermut allagartaanersoq imaluunniit inuussutissarsiutigalugu piniarnermut allagartaanersoq. Taamatullu kommunip aamma Aalisarnermut, Piniarnermut Nunalerinermullu Nalaakkersuisoqarfiup (APNN) akornanni suliassat agguataarsimanerat assigiinngilaq apeqqutaatillugu piniarnermut allagartaq sunaanersoq.

Inuussutissarsiutigalugu piniarnermut allagartamut tunngatillugu
qinnuteqarnissamut immersugassaq internet aqqutigalugu aaneqarsinnaavoq imaluunniit najukkami innuttaasunut kiffartuussivik aqqutigalugu. Immersorneqareeruni qinnuteqaat kommunimi angerlarsimaffigisami inuussutissarsiornermut allaffimmut tunniunneqassaaq, taassumalu misissuataartarpaa sinneralu immersortarlugu. Taamaattoqareeraangat kommunip qinnuteqaat APNN-imut nassiuteqqittarpaa, taassumalu piniarnermut allagartaq suliarisarpaa, inatsisitigt piumasaqaatit tamarmik eqquutsinnejqarsimappata.

Eqqortumik paasissutissanik immersuisoqarsimatillugu, naatsorsuutigineqassaaq APNN-imi suliamik piffissaq suliarinnifiusoq ullunik tallimanik sivisussuseqassasoq. Tamatuma kingornatigut piniarnermut allagartaq allakkatigut qinnuteqartumut nassiunneqassalluni.

Sunngiffimmi piniarnermut allagartamik suliarinninneq qinnuteqariaatsit
assigiinngitsut marluk atorlugit pisinnaavoq: Internet atorlugu qinnuteqartarneq imaluunniit qinnuteqarnissamut immersugassamik immersuilluni najukkamilu innuttaasunik kiffartuussivimmut tunniussilluni, taassuma qinnuteqaat APNN-imut ingerlateqqittarpaa, taavalu piniarnermut allagartaliilluni. Naatsorsuutigineqassaaq qinnuteqartumit pisanut nalunaarut tunniunneqarsimassasoq nutaamik piniarnermut allagartamik suliarinnittoqannginnerani, taakkumi marluk imminnut atammata.

Sullissivik.gl-imi internet atorlugu imminnut sullinnej atoraanni (NemID-eqarnissamik pisiariaqartitsivoq) suliamik sullissinermi piffissaq atorneqartartoq sivikillisinnejqarsinnaavoq, tassami paasissutissanik allanneqartunik uppernarsaasersuineq internet atorlugu pisinnaammat qinnuteqaammik immersuinerup nalaani. Taamaasilluni kommunip sunngiffimmi piniarnermut allagartanik suliarinnittarnermut ilanggussisinnaanera taamaatittarpoq.

Pisat aamma paasissutissiissutit pillugit paasissutissat tamarmik piniarnermut allagartanik suliarinninermut tunngasut APNN-imit akisussaaffigineqartumik qarasaasiatigut paasissutissanik katersuivimmut allattorneqassapput. Paasissutissanit tigusisarneq Namminersorlutik Oqartussanit ulluinnarni pisuussutinik uumassusilinnik aqutsiviginneq piniarnermut atorneqartapoq, soorluttaaq suliffeqarfinnit avataaneersunit siunnersuisartuusunit soorlu Pinngortitaleriffimmit aamma Naatsorsueqqissaartarfimmit. Paasissutissat aamma atorneqartarput pisassiissutit pillugit nunani tamalaani isumaqatigiinniarnernut tunngatillugu, taakkua pisat pillugit paasissutissanik pissarsisarmata.

APNN 2012-imi peqataasimavoq sunngiffimmi piniarnermut allagartanut digitalinngortitsilluni qinnuteqariaatsit saqqummiunneqarnerinut, aallartissimallugulu ineriertortitseqqinnermut inuussutissarsiutigalugu piniarnermut allagartanut kiisalu aalisarsinnaanermut akuersissutinut digitalit atorlugit iserfissaqalersitsinissaq, taamaasilluni qinnuteqariaaseq taamatuttaaq pitsaanerpaannngortinnejqarsinnaaniassammatt, taamaasilluni APNN-imi qarasaasitigut paasissutissanik toqqorsivik, Akileraarutinik nalunaarsuiffik aamma CPR-inut nalunaarsuiffik uppernarsaatinnejqarsinnaalerlutik paasissutissanut allanneqarsimasunut taamaasilluni kommunip maannakkut inisisimanera akisussaaffeqarneralu atorunnaarsinneqarluni.

Piniarnermut allagartaqariaatsimit qulaani taaneqartutut digitaliserinngortitsiniarluni ineriertortsinerup kommuninut attaveqarneq siunissami annikinnerpaannngortissavaa, kommunili taamatut attaveqassaaq soorlu assersuutigalugit uumasunik pisassiissuteqarfiusunik paasissutissanik aqtsinermut aamma allaffissornikkut ingerlatsinermut atuisinnaanermi.

Piniarnermut allagartanik atuineq aamma atuutsitsineq suliarinninneruinnaanngilaq kisiannili aamma paasissutissanik katersinerulluni, pisuussutaativut uumassusillit qanoq annertutigisut atorneqartarnersut pillugit taamaasillunilu aqtseriaatsip tamarmiusup ilaanit.

Taamaattumik naggiullugu APNN maannakkorpiaq pilersaaruteqanngilaq piniarnermut allagartanik kiisalu aalisarsinnaanermut akuersissutinik suliarinnittarnernit kommuninut nuussinissamik, taakkumi annertuumik inisisimaffeqartut najukkani qinnuteqartunut attaveqartarnerni aamma inatsisitigut piumasaqaatit assigiinngitsut uppernarsarneqartarnerini, sulineq maskiinat/qarasaasiat atornagit ingerlanneqarsimagaangat. Piniarneq aamma aalisarneq pillugit qarasaasiatigut qitiusumit toqqorsivimmik katersuveqarnermi, sunniivigeqatigiinnikkut sunniummik peqartoqarpooq annaaneqarsinnaasumik, ingerlatsisarnerup ilaannik atorunnaarsitsissagaanni.

Inussiarnersumik inuulluaqqusillunga

Karl Lyberth